



okimakan bruce achineepineskum marten falls tashikewin

pooshoo,

Marten Falls First Nation apane onandawendaanaawaa anishinaabewichigewinan, gewiinawaa ji-gagwendaagoziwaad benii'igamog gichi-miikana enigokwaag zhaaganaashiiwaki. Awashime gegoo inendaagwad owe miikana—ge-ani-onji-gikendaagoziyang gegiinawind. Mazina'igan gaa-gii-izhibii'igaadeg izhichigewanan giizhaajimowinan Final Environmental Assessment / Impact Statement owe dazhinjigaadeg ishkongani miikana, wiiba zhigwa izhinaagad ji-maajichigaadeg.

Mewinzha gaa-bi-dazhinjigaadeg, gakina gegoo gii-dazhinjigaadewan gii-kaganoonaawag ishkonganing endaawaad owe gaya bakaan, mii sa zhigwa wii-maajichigaadeg owe miikana. Gakina Gegoo Dazhinjigaadewan, wegonen ge-meshkojinaagwak gidakiiminaang gaye wendinamang gidanishinaabewitwaanaanin gaye anokiiwinan ge-onjiimagakin, gaye Anishinaabe Inaakonigewinan.

Ani-maajichigaadegin, Wegimaawaadizid Province and the Impact Assessment Agency of Canada oga-naanaagadawaabandaanan onowe inaakonigewinan mazina'igan gaa-gii-gizhibii'igaadeg izhichigewinan Environmental Assessment / Impact Statement gaye aanind mazina'iganan—gakina gegoo gii-gagwejimaawag imaa Anishinaabe ishkonganing—giishpin geyaabi gegoo ayaagin ikidowinan. Owe, ikidowinaakonigewi mazina'igan, akawe owe ji-debinigaadeg jibwaa-maadakamigak.

Marten Falls anishinaabeg, oga-ondinaanaawaa ge-izhichigewaad Miikana—mewinzha gii-sanagat babaa-ayaawin. Gaawiin geyaabi giga-bwaanawichigaadesiimin, maagizhaa da-onjiimagadoon ge-onji-gikendaasod awiyag, gaye anokiiwinan.

Epiitendaagwak owe Miikana aapiji apiitendaagwad Marten Falls First Nation. Omaa ishkonganing, gii-sanagadoon gegoo izhichigewinan—gaawiin aapiji gegoo gii-ayaasinoon waakaa'iganan, onjida apane ogii-onzaanaawaa nibi, gii-sanagendaagwad, oshki-aya'aag gii-kwiinawizhichigewag, gaye niibiwa gii-inagindeg wiisiniwin gakina gegoo. Mii owe gaa-onji-meshkojichigeyang. Apane ezhi-ningo-biboon da-onjiimagad gegoo izhichigewinan, mii omaa ge-onji-wiiji'igoowiziyang ezhi-andawendamang.

Bagamamoog, Miikana da-onjiwan anokiiwinan dibaakinamaawaawag ge-onji-anokiiwaad. Da-naazhagindewan gegoo, giga-mikaamin ge-ondadaaweyang gegoo, da-naagwad maanaadichigewin gaye maanaaji'idiwin. Da-wiiji'aawag nawaj gaa-gashkijigesigwaa naagaj ge-ani-ombiwaad.

Gaawiinon eta go anokiiwinan Miikana, da-onjiimagasinoon; gaye ge-onji-mino-ayaayang. Naagwad gegoo ezhi-gichi-anokaadamang ge-ani-onji-minogiwaad gidabinoojiiminaang. Omaa Marten Falls endanakiwaad anishinaabeg, da-onjiwan anokiiwinan—da-ayaawan oko-wiiji'idiwinan omaa, da-ayaa ge-minokaagoyan



wiisiniwin, da-ayaamagak oko-wiiji'idiwin ji-wiiji'iindwaa gidinawemaagininaanig. Gakina awiyag da-minosewag da-onjisewag o'owe Miikana bagamamook, anishinaabewitwaawinan da-ganawenjigaadeg, nawag gegoo da-minosewan ge-ani-niigaani-ishkamowaad. Gakina awiya First Nations da-andomaawag epiichi-gichi-apiitendaagwad owe Miikana ampegish gakina awiya gikendang epiitendaagwak owe Miikana apii gii-izhichigaadeg.

Anishinaabeg geyaabi inaabiwag miinawaa ji-dazhinjigaadeg owe miikana Assessment Process. Miigwech minik gegoo gaa-wiijitwaawin—mii owe ge-izhi-wiiji'igooyang ji-ombigi'aasoyang Marten Falls First Nation.

Weweni gegoo ji-izhichigeyang,

Chief Bruce Achneepineskum
Marten Falls First Nation

A handwritten signature in blue ink, consisting of a stylized, cursive name that extends into a long horizontal line.